

Arm Wars-gutane står over NM



Frode Veim Haugland slo ein sølvvinnar frå VM i Arm Wars-tevlinga i Las Vegas.

Denne helga går NM i handbak av stabelen på Gardermoen. Os Håndbakkubb stiller med 13 utøvarar, men Arm Wars-gutane glimrar med sitt fråvær.

Kenneth Svenningesen
kenneth.svenningesen@osofusa.no

– Det vert første NM på mange år at eg ikkje deltek. Det er kjedeleg, for det bruker å vera veldig morosamt, seier *Frode Veim Haugland*.

24-åringen har åtte NM-titlar, men må denne gongen følgja tevlinga på internett.

– Eg har byrja å jobba i olja og må vera i Nordsjøen dei neste vekene, seier Haugland.

Knall i Las Vegas

I lag med *Ronny Risøen* og *Asle Kravmsdal* var han sist helg på eit Arm Wars-stemne i Las Vegas. Osingane gjorde det svært bra.

– Me fekk mykje skryt av arrangørane. Dei vil ha jamne og tøffe kampar, og det bidrog me til alle tre, seier Haugland.

Sjølv møtte han tidlegare VM-sølvvinnar *Steve Rau*. Her vart det ein siger og eitt tap.

– Han var ein seig j... men eg vann

til slutt 4-2 i venstre arm. I høgre arm slett eg med smerter i albogena og måtte til slutt tola 2-4-tap, seier Haugland.

Han har fått eit spesielt forhold til spelebyen i USA.

– Det er utruleg morosamt å tevla der. Mykje folk som følgjer sporten og god stemming.

Om to år skal Frode tilbake for å bli verdensmeister.

– Ja, det har eg jo sagt i avisa her, så då får det vel bli sånn, humrar Haugland.

To singlar

Ronny Risøen gjorde det også svært bra i Arm Wars-stemnet. Osingen gjekk to kampar mot amerikanske *Kevin Harris* og vann begge.

– Ronny vann 4-2 i høgre og 4-3 i venstre. Veldig bra av Ronny. Dessverre pådrog han seg ein skade i skuldra og må derfor stå over NM på Gardermoen, fortel Haugland.

Heller ikkje *Asle Kravmsdal* blir med i NM denne helga.

– Asle gjekk uavgjort i begge kampane i Las Vegas. Han fekk mykje skryt for innsatsen. Etterom han skal ut i eit nytt Arm Wars-stemne om ikkje så lenge, står han over NM, seier Haugland.

13 utøvarar

Men sjølv om tre sterke gullkandidatar



Ronny Risøen vann begge kampane mot amerikanske Kevin Harris. (Privat foto)

glimrar med sitt fråvær, har Os Håndbakkubb ifølgje Haugland gode sjansar til å vinna lagkampen i NM.

– Me har jo vore svært så suverene dei siste fire-fem åra. I år stiller me med helle 13 utøvarar. Med litt medgang trur eg klubben vann lagtevlinga også i år, seier Haugland.

Dei 13 som kjempar om titlar, heider og ære denne helga er juniorane *Jockim Moberg Loky*, *Anders Kolle*, *Rune Bårøy*,

Erlend Hjertholm, *Renni Fjæreide* og *Eivind Bæe Johannessen*, samt seniorane *Tore Marre*, *Arne Thuen*, *Øyvind Birke-lund*, *Espen Bastiansen*, *Robert Gravdal*, *Espen Tollaksvik* og *Kjell Robert Stokka*.

Full fart!

Strandvik har hatt eit prøveprosjekt gjennom Hordaland idrettskriens i to år, med aktivitetar gjennom SFO og idrettskule. Søndag var det siste dag med born og vaksne til stades, med lek og moro.

– Poenget er å få ungane i meir fysisk aktivitet. Her viser me kortleis ein kan få det til, med varierte lekjar og enkle verkemiddel, fortalde *Britt Karen Spjelid* frå idrettsklubben i Eikehalandsosen.

Sjølv om det ikkje synst så godt på dette biletet, var det hoopp og sprett heile dagen til endes.

